

萬
善
堂
集

李化楠 著

中
華
書
局

叢書集成初編

萬善堂集

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN 7-101-00894-1/K·367

萬善堂集

此據函海本排印
初編各叢書僅有
此本

李石亭先生詩集序

余自束髮授書。卽聞鄉先生中有石亭李先生者。學問文章。豪情逸興。大有不可一世之槩。甲戌。余館詞曹。而先生已服官在越。後先生以憂回籍。補選來都。而余又致仕還里。辛巳春。余奉召起官。先生長君蕘堂先生。以禮闈高擢中翰。其軒輊舉。亦有不可一世之槩。益信家學淵源之不虛也。越明年。蕘堂與余交益密。倏一夕。風雨中懷先生詩抄過寓。囑余點訂。並云先生催之甚迫。兩日卽當郵寄付梓。余不禁蹙然起舞。呼童開樽。論詩對酌。雖約略大槩。而一斑已窺全豹。時漏聲三下。蕘堂仍踵風雨而去。余遂逐之。披吟寢食俱廢。越宵旦而始畢。其抒性則孝子忠臣。流連欲絕。鳶飛魚躍。宛轉關生。言情則思婦勞人。宛然紙上。春思秋興。盡入毫端。寫景則竹塢花潭。山鳴谷應。烟汀月榭。雨驟風馳。至於懷人弔古。則九原如作。異地同堂。陟險探奇。則千仞振衣。萬流濯足。他如歌行雜興。戲筆間吟。又有光怪陸離。行雲流水。莫測其往。莫究其來之妙。蓋是集也。或得之簿書期會。或發於馬迹車塵。或動乎尋梅踏雪。或感于鳥語蟲吟。總之筆之所之。情不自禁。故人謂先生之優于學。熟于史。詳于天時人事。而不知先生之得於天者。爲不可及也。知先生之得於天者。爲不可及。則其不可一世之槩。又當求之筆墨以外。區區采藻。亦其末也。時壬午季春下浣。序于都門之從好齋。

賜進士出身。誥授奉直大夫。掌福建道監察御史。前翰林院檢討。同里乙齋劉天成拜撰。

后高光弼醵鵠像



胡為不冠天覆吾胡為不
履地載吾上報朝廷以
勤查下穀兒曹以詩書噫
吾之事畢矣果將冥心觀
化而游于泰古之初

石亭白題

萬善堂集卷一

羅江李化楠讓齋著

男 調元 雨村 編纂

杭州陸 燦楠梅

受業嘉興李祖惠虹舟全校

紹興黃 璋稚圭

古今體

古風 贈何文淵

古人有高風。留在古簡牘。蔣詡社陵歸。三徑自予子。孫子蘇門嘯。一聲振山谷。此人孰與儔。近代寡所續。惟君志槃澗。永矢而弗告。紛華世競趨。抱璞志遯篇。桑間百畝青。門前五柳綠。愛此嶺頭雲。時對月下竹。不握阿戎籌。不障祖生篋。問君何所好。所好在醺醺。引滿視天地。豪邁無拘束。有子類神駒。嶄然見頭角。北牕高臥餘。一經勤課讀。達哉物外人。允堪礪末俗。

長歌行 贈何萬先

君不見古人兄弟如手足。樓上交輝似花萼。又不見三張減價入洛年。雙龍競向雲間躍。榮悴田荆世所嗟。誰如姜被共寢之。惟君數世不分產。雍雍百口無猜疑。和氣致祥洵不爽。烏衣子弟人稱賞。封胡羯末

一門中。阿買阿宜皆清朗。我昔邯鄲曾學步。入門先辨真假路。心印從來有的傳。金針誰云不肯度。逍遙林下已三年。感君意氣爲加鞭。來從座上開苦口。大小鳴因大小叩。西河且勿夫子疑。舌敝耳聾君知不。諸郎有志足騰霄。九萬鵬程信匪遙。但看羽毛豐滿後。門闌喜氣珥金貂。

遊鶴鵲寺

信是祇園此日登。無邊勝覽入峻嶒。鶴巢常在千年樹。猿去多懸百歲藤。金頂雲高峰漠漠。碧潭雨霽浪層層。禪堂閑寂無人到。煮石餐霞一老僧。

與石蘭上人

深山獨立白雲遮。閒酌清泉自煮茶。五蘊空空開覺路。三乘了了續宗家。菩提結就因緣果。般若栽成智慧花。珍守本來方寸地。任他色相滿河沙。

久客左綿感懷

綿城偶過動踰旬。到處敲門訪故人。農事正忙知歲熟。客身不定爲家貧。蕭蕭落葉村烟暝。寂寂殘花驛雨頻。自是親朋敦古道。相逢投轄敘前因。

送友歸渭南

江上扁舟一葉輕。臨岐無計挽行旌。故人只在陽關內。把酒殷勤唱渭城。

久雨

暑雨朝朝落。憑空斷續來。遙山全積翠。近砌半生苔。倦鳥穿雲去。新花帶淚開。何緣探物色。聊把濁醪杯。

喜晴

日上闌干雨乍晴。天空便不礙雲程。先生袖手渾無事。坐納涼風陣陣輕。

謁龐靖侯祠

夾道陰森漢代松。靖侯祠墓白雲封。功開西蜀人誰識。名冠南州士所宗。不改蒼山長鬱鬱。依然綠樹自重重。漫言落鳳難消恨。明月相歎有臥龍。

祠內並祀諸葛武侯。

中秋無月次答趙金山

爲愛幽居近築臺。那知阻雨負啣盃。願君好護東籬菊。九九佳期赴約來。

和徐自中見過元韻

幾時未駕剡溪舟。一旦逢君話不休。白髮多從貧後短。青山喜豁眼前愁。醉人公瑾情逾渥。留客陳遵意自優。茶罷自慚無祇待。同來江畔數沙鷗。

送周儀萬

懷茲直諒多聞友。藥我疎慵鈍拙姿。萬里關山投紵日。廿年風雨對床時。孔融滿座傾樽久。王粲登樓作賦遲。解道浮雲無限恨。叮嚀莫負此心知。

悼蔡生

不肯人間住。胡爲入我門。侯芭翻早喪。張禹竟誰論。空想春風坐。猶餘夜雪痕。道窮真寂寞。白日亦昏昏。
病

兀坐自垂首。淒清斗室中。怯窺窗外月。愁聽耳邊蟲。落葉有時雨。長江無限風。何能撥雲霧。清嘯九天空。
重九

欣逢重九日。籬下惜樽空。秋盡雨聲內。人來竹影中。黃花如笑客。白髮忽成翁。千載龍山會。狂歌興頗同。
觀音寺

遠塢深深古木稠。離塵三逕獨稱幽。雲開窗外羣山出。雨歇門前一水流。取靜鬧中常有悟。偷閒忙裏復何求。天然道妙供佳賞。爲問他人識得不。

遊石經寺

自錦官城踏翠回。山齋小蔭暫徘徊。蒼生怪我臥不起。白眼向人懷未開。穿洞渾疑無路轉。沿江登見有花開。邇來一洗愁無奈。放眼煙霞亦快哉。

秋日苦雨次陳柏山韻

幽齋忽失碧天寬。豔鬢雲垂雨漸漫。滴水正宜供筆墨。遊山不厭濕衣冠。林間落葉霜天曉。屋上啼烏夜月寒。且莫攢眉愁寂寞。遙峰樹影入雕闌。

新秋

風聲纏上樹梢頭。酷暑炎炎未竟收。惟有叢林秋不到。小花爭放滿園稠。

秋霽

連旬秋雨閒又閒。堆案文書待筆刪。簾外漏來紅日上。一窗推出萬重山。

金山老人歌贈趙潛園

金山老人髮如霜。埋頭校書金山旁。牙籤葉葉堆萬卷。衙官屈宋嗤老莊。文章誰似君家好。豈羨他人登第蚤。風流名字寫紅箋。華楊山郎猶未老。邇來蕉萃百不如。龍鍾舉步須人扶。歧路落拓誰復識。看人射策紛天衢。人生遇合真偶耳。雄飛雌伏俱足喜。爲君試誦橫江詞。如此風波亦可止。西風蕭蕭天雨秋。知君高臥山中樓。倘逢樵叟相寄問。少年豪氣今除不。

鳳仙花

未栽君子樹。先植女兒花。離落朝侵露。苔痕晚襯霞。清姿含雨豔。倒影倚風斜。染指能相媚。調絃莫太誇。

咏蟬

雨後空庭翠欲侵。滿林齊女奏繁音。柳陰一色日初午。槐蔭千層雲自深。晨露飲殘猶唧唧。晚風送罷更沉沉。誰如有道丈人者。也學猗猗樹下尋。

再與石蘭上人

古寺蕭疎好悟禪。山光水影兩悠然。空明不礙三千色。慧定知因十二緣。衲上惹雲朝坐石。鐺中分月夜

添泉西來解得拈花意，便有青蓮起座邊。

與意愷上人

山堂靜對碧天長，孤鶴閑雲鎮日望。悟後可能梅子熟，覺來定有木樨香。水流曲徑禪心活，月照虛窗世慮忘。我亦空門無上士，欲將心印問支郎。

答趙金山

自笑篇章效四雖，憑君規語耐三思。自知身向愁邊樂，不是心從智後愚。豆架雨多垂塞耳，藥欄日午晒旁其。卽今好景何人見，聊復題詩寄牧之。

祝張丈七十

鏗鏘精神草大年，全憑種植養心田。翩翩紫氣身爲鶴，竊竊紅雲羽是仙。曾向廖家淘壽井，何勞酈縣問甘泉。華山安穩希夷夢，一枕逍遙絕世緣。

白鷄冠花

只爲疑鮮對早粧，數枝滴露占瑤芳。通宵客話窗前月，報曉人呼殿外霜。似厭紫羅添雪色，不爭絳幘鬪秋光。從來玉樹傷心事，休共瓊花話短長。

初夏病起閒步

閑聞稚子誦書聲，偶向庭除自在行。新建草亭山漸出，舊穿荷沿水初平。牆頭紫葢垂堪摘，林角青桃熟

未成。羨煞東鄰歡飲甚。應憐抱病一儒生。

入渠野溜聽無聲。斷柳橫溪亦可行。逢叟多談神半減。招醫少至疾全平。提壺勸醉花如洗。布穀催耕穗欲成。樂事已隨消瘦去。願將閒暇過平生。

病後。文淵以笋蕨見惠。兼寄七律一章。依韻奉答。

錦心爭似火珠然。無奈蠶絲吐自纏。問疾君還遺我食。憐貧誰則給吾鮮。一生僕僕如蓬轉。萬事恢恢仰大圓。待得精神成爽健。思量修理岸邊船。

謂瘦緣詩却不然。病魔本自太相纏。常憂買去芹蔬苦。最愛遺來笋蕨鮮。別思每隨雲四起。抱疴已見月三圓。今朝杯酒爲君酌。愧我難撈藥玉船。

醒園

歲晚人閑後。幽齋盡日吟。掃葉隨風勢。澆花趁日陰。地偏雲自住。山近月來侵。種樹書長把。無人知此心。

京師感懷

秋雨桂開日。長安葉落時。囊慳爲客久。鄉遠得書遲。鶴髮空相望。龍頭負所期。東籬曾有約。陶令舍予誰。

龍神堂登樓遠眺

升高尋遠興。倚檻挹輕風。地敞山光入。天開樹色通。鷺飛田漠漠。牛牧草茸茸。無限登樓意。凝眸一望中。賦得行不由徑。效尤西堂體。

豈緣骨傲不隨人。落落孤標自出塵。空谷有聲誰唱和。公庭無事愛閒身。心中各自分邪正。方外何須問主賓。他日武城留一笑。原來得士作良民。

新秋

風聲號刮樹梢頭。酷暑災雲尙未收。惟有梧桐偏早覺。先飛一葉報新秋。

秋海棠

海棠已向早春開。何事芳名秋又來。應是月娥貪着粉。故隨丹桂下瑤臺。

秋雨初晴

連句秋雨學偷閒。且把文章細細刪。日暮書聲剛欲歇。捲簾推出萬重山。

春雨

甘霖何處發。遍地潤如酥。借問村童子。誰家有酒沽。

中秋無月

早擬今宵賞月明。引盃邀月共相傾。誰知好景天收去。空向嫦娥祝晚晴。

初晴又雨

纔看楓葉染。又見竹梢低。雨勢來何驟。山光望欲迷。好花猶怯凍。啼鳥數驚棲。不到林泉外。誰知漲小谿。

夜坐偶成示調兒

一燈勤教子。誦讀莫辭辛。書是傳家寶。儒爲席上珍。志高騫碧漢。筆落動星辰。受得苦中苦。方成人上人。

向日葵

亭亭獨立傲秋風。傾葉扶根倚碧空。多少繁花皆避日。由來草木亦知忠。

漢宮秋 一名剪秋紗

栽就紅紗秀可夸。秋光散亂本天家。漢宮妙出摻摻手。剪碎紅雲片片霞。

老來變 祝澹園先生散生

羞隨羣艷共爭春。無果無花別一身。莫到老來不還少。老來光景色尤新。

喜故人徐自中見過

多時未駕戴逵舟。一旦相逢話不休。妙義互從疑處析。新詞同向句中收。醉人公瑾情逾渥。問客宗之意

自優。茶罷慚無鷄黍供。同來江畔看沙鷗。

蚊

慣將利嘴咬人膚。夜則紛飛日又無。紙帳四垂眠自穩。儘他宵小共喧呼。

鼠

羣小潛踪棲屋瓦。霄行跳怒自相打。我自高眠君自爭。爭待天明自歸也。

新秋試筆

梧桐葉落普天秋。雨送風來几案頭。只道暑天長作酷。不知也有惡風收。

戲與妙通和尚

持竿終日佛雲根。夜坐蒲團久自溫。除却釣魚聽鳥外。別無一事到禪門。

金頂古松

礪柯離奇透碧霄。枝枝葉葉聳山腰。雲凝翠蓋老愈勁。風過晴空影獨搖。變作龍鱗書萬卷。折爲麈尾幹千條。幾回停立閒階望。滿目秋光遣興遙。

甲子四月靜養齋卽事得刪字

天梯漫道不能攀。信步蟾宮指日間。直上扶搖身萬里。眼前何事不能刪。月中仙桂羨誰攀。消息佳期在此閒。得意蟾宮如有助。文成倚馬不須刪。

靜養齋再用前韻

楊柳垂青俯可攀。黃鸝密度晚煙閒。日長尋得書中趣。綠滿窗前草不刪。朱門豪貴幾曾攀。拾翠尋幽到此閒。軒外數株彭澤柳。垂絲滿地不容刪。

久雨二首

長天罩曉山。涼夜隱明月。雲影望還多。雨聲猶未歇。暑雨朝朝落。馮空斷續來。郊原浮積翠。堦下軟生苔。

雨阻行期

瀟瀟霽翳滯征程。幾度扳輿未遂行。應是雲龍與際會。故將霖雨福蒼生。

醒園

半畝園中氣味長。獨閒醒眼識羲皇。乾坤百事猶天定。善惡千秋自主張。夏日最宜栽竹好。春來總爲看花忙。黃庭讀罷渾無事。坐倚晴窗納曉涼。

示門生周思烈

場中戰藝意如何。題理題神細揣摩。妙訣由來無過熟。陳言不去總嫌多。清如初日花間露。動似輕風水上波。盡我操刀今日事。榮枯得失祇憑他。

戲與柳齋索酒

彷彿劉伶欠酒吞。卽乘佳興到柴門。滿園脩竹碧如此。一架高梧綠尙存。紅友不來荷慢卷。青田乏術核空存。知君不怒清狂客。爲乞開懷酒一尊。

容安亭賞牡丹

姚黃魏紫正芳菲。且喜新亭挹翠微。春入寶欄天富貴。花含曉露地光輝。笑拈國色參同座。醉惹天香襲滿衣。倘許作酥堪一嚼。元與賦就馬如飛。

五日同人讌集迴文